

# Khri's' Suangphum

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XVII. No. 17

Private circulation

May 12, 2019

*Theihna Tawmchik toh ...*

## KIPI A LAUHUI

- Jamson Guite



Theihna poimohna toh kisai in Sawltak Peter in hiai bang in ana gen hi, “*Himahleh I Toupa leh Hondampa Jesu Khrist hephihna leh theihna ah hong khang un. Tu leh tangtawn in amah kiang ah thupina om hen, Amen*” (2 Peter 3:18). Jawlnei Hosia in leng theihna a poimohdan leh theihna neihlauh a lauhuidan hiai bang in ana gen hi. “*Ka mite theihna taksap ziak in hihsiat in a om ua; theihna na deihlauh ziak in, keng leng, kei dia siampu na hih louhna diing in kon samkei diing; na Pathian dan na mangngilh chih thei in, ken leng na suante ka mangngilh diing hi*” (Hosia 4:6).

Saptuam makai/ Saptuam upate tuh Pastors (chingtu/shepherd) chia gen in leng a om uh (Ephesate 4:11). PASTORS tuh Greek thumal POIMAINO akipan kilakhia ahi a, **chinna nasem** chihna ahi. Huaiziak in Saptuam a pitu/ Saptuam upate tuh chingtu, enkoltu leh ann petu ahi uhi. Amaute Belamte chingtu leh vaktu ahihna uh Nasepte 20:28 ah leng a chiang mahmah. Huan, 1 Peter 5:2 in leng Saptuam upate tuh belamte chingtu leh vaktu ahihna ana taklang hi.

Belam chingte'n bang ahih ua? Belam chingte'n tuh loupa hing nou omna THEI in huai mun ah abelamte a pi uhi. Huchi mahbang in belam chingtu'n tuh khawlina tui omna THEI in huai muh ah a belamte a pizel ( Sam 23). Pitu tuh chingtu/ann petu ahihman in a piak diing uh ann toh kisai a theihchet uh a ngai hi. An hoih leh hoihlou a theihchel uh ngai. Theihloughman in gu (poison) pekha leh bang suak diing?

Thukhun Thak Saptuam a pitute mohpuak khat tuh sinsaktu taklou toh kisai a pilvan diing ahi (Nas. 20:28). **Pilvang ahihtheihna diing un sinsakna tuam a zak chiang ua a diklouna leh a lauhaina a theihkak theih diing uh ahi.** Sinsakna tuam sinsak mi a om leh Prisilla leh Aquila bang a ahilh diing uh (Nas. 18:16). Huai a aphatuamkei leh a kam hum diing uh (Tita 1:11)

**G**ingtu khat mohpuak tuh a thu-up leh sinsak toh kisai a ‘thilteng chian a, thildik peuhmah aletkip diing’ ahi (1Thesalonikate 5:21). Sawltak Paul in “*Toupa adia pomtak thilte chian diing*” in thupia in ahon hasuan hi (Ephesate 5:10). Huan Romte 12:2 ah leng Pathian deihlam, hoihsak lam leh kiphaph lamte chian diing a thupiak in I om uhi. Thil khat khatpeuhpeuh adik leh adikloun chet theihna diing in adik **THEIHNA** neih masak a ngai. Huaiziak in khristian tengteng a diing in **THEIHNA** a poimoh hi.

Saptuam a pitu/chingtu khat in thugin muanhuai a letkip diing ahi. “*A sinsa thuhilhna dik midang sinsakthei leh selhatmite siamlouh tangsak thei diing a sinsak a om thugin muanhuai lenkip mi ahi diing ahi*” (Tita 1:9). Bangzik in? Thugin muanhuai kalh mite siamlouh a tansak theihna diing in. Saptuam a Pitu khat in thuhilhna diklou sinsakte siamlouhtan theikei taleh bang suak diing? Theihlauh ziak a zuihkhelhna Pathian in awi tuanlou hi (2Thes 1:8-9; Johan 12:48). Jesu'n hichi'n a chi, “*Amaute awlmohkei un; mitaw makai ahi uh; huchi in mitaw in mitawm mah a pi leh kokhuk ah a kekhwam diing uh*” (Matthai 15:14).

Saptuam a pitute tuh chingtu leh vengtu leng hi uh ahihman in **dik leh diklou khenkak** tuh a mohpuak uh ahi. Ezekiel 3:16-21 leh Ezekiel 33:1-9 hoihtak a I sim leh vengtute poimohdan leh a mohpuakna uh kichiantak taklat in a om. Vengtu mohpuak tuh melmate melchih a ahongpai chiang a penkul mut diing ahi. Huaiziak in melma kua hihiam chih theihchet a ngai. **Vengtu in melma kua hi hiam chih theikei leh a ven mite bang suak diing?**

Tuabang mah in Saptuam a pitu/chingtu khat in melma theikei taleh pengkul bang chi mut diing? Melma hongpai thei a pengkul a mut leh mipite/belamte suakta diing uhi. **Lauhuai om chiang a penkul mutna chang a theihkei lebel amah leh a ching belamte a mangthang vek diing uhi.**

Huaiziak in pitu mohpuak a thupi mahmah. Lauhuai melma hongpai hun a Pengkul a mutkei leh mite sisan tung a vengtu'n a moh a paw diing. Amah suakta lelung mite sisan ziak in Pathian in a tung ah phuba ala diing. Huaiziak in pitu a diing a theihna tawmchik toh kipi tuh thil lauhuai topkhawk ahi chih kua-peuhmah in theichiat ni.

**PLACE OF WORSHIP**

UCI Building,  
Sector - VI, RK Puram,  
New Delhi - 110022  
Phone No. 9953968807  
website : www.cocdelhi.org

**'KHRIS' SUANGPHUM, A WEEKLY BULLETIN FOR  
THE MEMBERS OF THE CHURCH OF CHRIST, DELHI,  
ON THE FIRST DAY OF THE WEEK'**

Enkaitu : Jamson Guite

**BIBLE CLASS**

**Class**

Adult : Chinpau, Khenpi  
Junior : Timothy & Robert  
Primary : Ngaih lun, Biaknem & Minlun  
Beginner : Vungngaihkim & Biakkim

**Teacher**

**TOUPANI THILPIAK**

**Date - 05.05.2019 - ₹ 34,952/-**

**BIAKNA PROGRAM**

**Toupani' (12/5/2019)**

Hun-uk thumna : Chinpau  
Lapi : Khamminthang  
Thilpiak : Kammuanlal  
Theihgigena : Jangthang  
Thugen : Thongginlian  
Thumna : Pausuanlian

**BIAKNA PROGRAM**

**Kiginni (18/05/2019)**

Hun-uk thumna: Kamkhenthang  
Lapi : Khamminthang  
Thugen : Mungmuanlian  
Thumna : Nangmuanlal  
Amun: UCI Building.  
Sector - 6, RK Puram

**BIAKNA PROGRAM**

**Toupani' (19/05/2019)**

Hun-uk thumna : Kamkhenthang  
Lapi : Khamminthang  
Thilpiak : Siamkhanmuan  
Theihgigena : L. James  
Thugen : Jamson  
Thumna : Thangliankhup

**THOUGHT OF THE WEEK**

**Mi ginom tuh tampi a vualzawl in a om diing a, hi-  
mahleh hauhsak ut a kintat mi bel gawtlouh in a  
omkei diing (Paunakte 28:20).**

**THU TUAMTUAM**

**ZIN LEH TUNG**

☛ Damlou ki-ensak diing a Lamka apan hongzin unaupa Liankhojam leh a innkuante kal paita nilaini in ana paikiknawnta uhi. Damsiang hinaikei mahleh damna hoihzaw toh kikhawn theih ahihman un kipahhuai isa petmah uhi.

☛ Unaupa Timothi leng kal paita sung in Seitol lam ah a inn uh huihpi'n a mutsiatsak lamnawn diing in ana zinkhia hi. Damleh unaupa Janglet-te toh hong kiton diing uhi.

☛ Unaupa John Mung in leng a sepa mun Andaman zuan in kal paita sintawpni in honna paisan nawnta.

☛ Sepna ziaak a Rajasthan a om unaupa Lutremasian inn lam pai diing Delhi hong lambang kal paita sung in Lamka lam zuan in ana paita hi.

**PAWL X ZOU UH**

☛ Kal paita sung a pawl X result suah ah ilak apan in **Tiffany Hoisang** d/o unaunu Khamngaih lun leh **Freda** d/o unaunu Chiinngaih lung te'n pawl sawm First Division in ana zoukhia uhi. Lohchinna hoihtak hon ngahna uah i kipakpetmah uhi. Lohchinna hon pia Pathian min phat in om hen. Toupa Thupha!

**THU TUAMTUAM**

**PANPIHNA PIAK HI DIING**

☛ May kha business meeting a thupukna dungzui in huipi in a inn mutsiatsak unaupa Janglet-te innkuan Saptuam in 5000 a panpih diing lem kisa hi. Huchih dungzui in panpihna leng piak hita.

☛ Huchimah bang in Lamka a natna giltaktak thuk unaupa Kailal, unaupa Ngulzanang leh unaunu Khamzakhawl-te Saptuam in benevolence sum apan teng 10,000 chiat a panpih lem kisa hi.

Hiai teng banah mimal in kiphal bangbang tawikhawm a huaite toh piak diing a thupuk ahi. Unaute panpihna penuamten May 19 tan in piaktheih diing hi. Pesiausiau ni.

**BIBLE CLASS EXAM**

☛ Business thupukna dungzui in Bible class kumkim exam July 14, 2019 a neih hi diing a, kumtawp exam pen-December 8, 2019 a neih hi diing. Unaute'n i chiamteh diing uh.

**TUAILAI PROGRAM**

☛ Tuni biakkhawmna zoh chiang in tuailai program unaupa Pauliansiam inn luahna ah omnawn diing. Tuailaite a tamtheipen tel diing in kisa ni. Tamsemsem leng nuam hi.

**CHURCH OF CHRIST, DELHI  
FINANCIAL REPORT,  
April - 2019**

1. Opening bal.	1,55,546.00
2. Total Recv.	1,26,134.00
3. Grand Total	2,81,680.00
4. Total Expdt.	1,75,020.00
5. Closing Bal.	1,06,660.00

**KIPATHU THUGEN**

Tutung damlou ki-ensak diing a Delhi kong zinna uah Delhi a Saptuamte'n nong awlmohna uh leh deihsakna uh thupi kasapetmah uhi. Nong thumsaknate uh banah damdawi inn leh inn a nong vehnate uah ka kipakpetmah uhi. Toupa'n a lehtampi in hon vualzawl hen chih kathumna uh ahi.

Liankhojam & Family

**TUNI TUAILAI PROGRAM  
(12.05.2019)**

Hun-uk : Thangliankhup  
Lapi : Robert  
Thugen : Daniel

**Second Session:**

**Pitu: Thangno  
Amun: Unp. Pauliansiam inn,  
Humayunpur, New Delhi.**